

大明太宗皇帝御制藏經贊

朕惟如來為一大事出現演三

藏十二部之玄言。所以指教垂

義者尚矣。自其言流于中土。翻

譯其義。以化導群類。非上根圓

智之士。鮮能以通之。而得其要

者。或寡矣。天治心

道心也者。虛靈明

該貫萬理而無所

多聞。必由於藏海

於一心。以是修證。超乎圓妙。常

住不動。無有所蔽。此誠末世之

津梁。迷途之明炬也。朕撫臨大

統。仰承鴻基。念皇考皇妣生育

之恩。垂緒之德。劬勞莫報。乃遣

使往西土。取藏經之文。刊梓印

佛

轉願以替

藏

來慈悲之
于卷首且

施。以資為薦揚之典。下界一切

生靈。均沾無窮之福。如是功德

有不可名言。若夫世之由迷惑

真。交纏故業。茫然而莫之所歸

者。不究竟於斯。亦莫能得其體

而返其真也。推是心以濟拔流

如來演義諦 法音遍克周

世界恒河沙 一一皆具足

化導於群類 咸得成正觀

有漏諸微塵 悉超於覺海

歷阿僧祇劫 廣開方便門

迷妄執空華 一切了明微

有一弗徹者

我今念眾生

深心奉塵刹

上報二重恩

昔登無上覺

成就勝妙心

廣此密因義

頻伽大梵音

如十方擊鼓

有耳皆獲聞

堅固無動轉

世尊為證明

功德不可說

永樂八年三月初九日

誓不成佛陀

是故廣演說

俱願澄菩提

下濟諸途苦

欲漏盡消除

以拯諸末劫

布施於竺乾

至妙不思議

無礙於音聲

聞者即成覺

永不墮輪回

作如是贊嘆

永被於生靈

佛藏

上海世紀出版股份有限公司上海書店
時代出版傳媒股份有限公司黃山書社

第一七冊目錄

佛說無所希望經	一卷	西晉竺法護譯 (慕二)	……	一
佛說大乘同性經	二卷	北周闍那耶舍共僧安譯 (慕三—四)	……	一〇
佛說證契大乘經	二卷	唐地婆訶羅等譯 (慕五—六)	……	二八
持心梵天所問經	四卷	西晉竺法護譯 (慕七—十)	……	四四
佛說觀無量壽佛經	一卷	劉宋量良耶舍譯 (貞一)	……	八七
稱讚淨土佛攝受經	一卷	唐玄奘譯 (貞二)	……	九五
佛說阿彌陀經	一卷	姚秦鳩摩羅什譯 (貞二)	……	九九
拔一切業障根本得生淨土神咒經	一卷	劉宋求那跋陀羅重譯 (貞二)	……	一〇一
後出阿彌陀佛偈經	一卷	後漢失譯師名 (貞二)	……	一〇二
佛說大阿彌陀經	二卷	吳支謙譯 (貞三—四)	……	一〇三
佛說觀彌勒菩薩上生兜率陀天經	一卷	劉宋沮渠京聲譯 (貞五)	……	一二三
佛說彌勒下生經	一卷	姚秦鳩摩羅什譯 (貞五)	……	一二七
佛說彌勒來時經	一卷	東晉失譯師名 (貞六)	……	一三〇
佛說彌勒下生成佛經	一卷	唐義淨譯 (貞六)	……	一三一
佛說觀彌勒菩薩下生經	一卷	西晉竺法護譯 (貞六)	……	一三四
佛說彌勒成佛經	一卷	姚秦鳩摩羅什譯 (貞七)	……	一三八

佛說第一義法勝經	一卷	元魏般若流支譯	(貞八)		一四六
佛說大威燈光仙人問疑經	一卷	隋闍那崛多譯	(貞九)		一五二
一切法高王經	一卷	元魏般若流支譯	(貞十)		一五九
佛說諸法勇王經	一卷	劉宋曇摩蜜多譯	(潔一)		一六八
順權方便經	二卷	西晉竺法護譯	(潔二—三)		一七六
佛說樂瓔珞莊嚴方便經	一卷	姚秦曇摩耶舍譯	(潔四)		一八九
菩薩睺子經	一卷	西晉失譯師名	(潔五)		二〇一
佛說睺子經	一卷	姚秦聖堅譯	(潔五)		二〇四
佛說九色鹿經	一卷	吳支謙譯	(潔五)		二〇七
佛說太子沐魄經	一卷	西晉竺法護譯	(潔五)		二〇八
太子慕魄經	一卷	後漢安世高譯	(潔五)		二〇九
無字寶篋經	一卷	元魏菩提留支譯	(潔六)		二一一
大乘離文字普光明藏經	一卷	唐地婆訶羅譯	(潔六)		二一四
大乘遍照光明藏無字法門經	一卷	唐地婆訶羅譯	(潔六)		二一六
佛說老女人經	一卷	吳支謙譯	(潔六)		二一八
佛說老母經	一卷	劉宋失譯師名	(潔六)		二一九
佛說老母女六英經	一卷	劉宋求那跋陀羅譯	(潔六)		二二〇
佛說長者子制經	一卷	後漢安世高譯	(潔七)		二二一

佛說菩薩逝經	一卷	西晉白法祖譯	(潔七)	……	二二二
佛說逝童子經	一卷	西晉支法度譯	(潔七)	……	二二四
佛說月光童子經	一卷	西晉竺法護譯	(潔七)	……	二二五
佛說申日兒本經	一卷	劉宋求那跋陀羅譯	(潔七)	……	二二九
佛說德護長者經	二卷	隋那連提黎耶舍譯	(潔八—九)	……	二三一
佛說犢子經	一卷	吳支謙譯	(潔十)	……	二四四
佛說乳光佛經	一卷	西晉竺法護譯	(潔十)	……	二四五
佛說無垢賢女經	一卷	西晉竺法護譯	(潔十)	……	二四七
佛說腹中女聽經	一卷	北涼曇無讖譯	(潔十)	……	二四九
佛說轉女身經	一卷	劉宋曇摩蜜多譯	(男一)	……	二五〇
文殊師利問菩提經	一卷	姚秦鳩摩羅什譯	(男二)	……	二五九
伽耶山頂經	一卷	元魏菩提留支譯	(男二)	……	二六二
佛說象頭精舍經	一卷	隋毗尼多流支譯	(男三)	……	二六七
大乘伽耶山頂經	一卷	唐菩提流志等譯	(男三)	……	二七一
佛說決定總持經	一卷	西晉竺法護譯	(男四)	……	二七五
佛說謗佛經	一卷	元魏菩提留支譯	(男四)	……	二七九
大方等大雲經	四卷	北涼曇無讖譯	(男五—八)	……	二八二
如來莊嚴智慧光明入一切佛境界經	二卷	元魏曇摩流支譯	(男九—)	……	

十).....	三二五
深密解脫經 五卷 元魏菩提留支譯 (效一—五)	三四〇
解深密經 五卷 唐玄奘譯 (效六—十)	三七四
佛說諫王經 一卷 劉宋沮渠京聲譯 (才一)	四〇七
如來示教勝軍王經 一卷 唐玄奘譯 (才二)	四〇八
佛爲勝光天子說王法經 一卷 唐義淨譯 (才一)	四一一
寶積三昧文殊師利菩薩問法身經 一卷 後漢安世高譯 (才一)	四一四
佛說濟諸方等學經 一卷 西晉竺法護譯 (才二)	四一七
大乘方廣總持經 一卷 隋毗尼多流支譯 (才三)	四二四
太子須大拏經 一卷 乞伏秦聖堅譯 (才四)	四三〇
佛說如來智印經 一卷 劉宋失譯師名 (才五)	四三八
佛說慧印三昧經 一卷 吳支謙譯 (才六)	四四七
佛說無極寶三昧經 二卷 西晉竺法護譯 (才七—八)	四五六
寶如來三昧經 二卷 東晉祇多蜜譯 (才九—十)	四七一
無上依經 二卷 梁真諦譯 (良一—二)	四八九
佛說未曾有經 一卷 後漢失譯師名 (良三)	五〇三
佛說甚希有經 一卷 唐玄奘譯 (良三)	五〇五
佛說如來師子吼經 一卷 元魏佛陀扇多譯 (良三)	五〇七

佛說大方廣師子吼經	一卷	唐地婆訶羅等譯	(良三)	五〇九
佛說大乘百福相經	一卷	唐地婆訶羅譯	(良四)	五一二
佛說大乘百福莊嚴相經	一卷	唐地婆訶羅等譯	(良四)	五一五
佛說大乘四法經	一卷	唐地婆訶羅譯	(良四)	五一八
佛說菩薩修行四法經	一卷	唐地婆訶羅譯	(良四)	五一九
佛說希有校量功德經	一卷	隋闍那崛多譯	(良四)	五一九
佛說最無比經	一卷	唐玄奘譯	(良五)	五二二
佛說前世三轉經	一卷	西晉法炬譯	(良五)	五二五
佛說銀色女經	一卷	元魏佛陀扇多譯	(良六)	五二九
佛說阿闍世王受決經	一卷	西晉法炬譯	(良六)	五三一
採華違王上佛授決經	一卷	東晉曇無蘭譯	(良六)	五三三
佛說正恭敬經	一卷	元魏佛陀扇多譯	(良六)	五三四
佛說善恭敬經	一卷	隋闍那崛多譯	(良七)	五三七
稱讚大乘功德經	一卷	唐玄奘譯	(良七)	五三九
妙法決定業障經	一卷	唐智嚴譯	(良七)	五四一
佛說貝多樹下思惟十二因緣經	一卷	吳支謙譯	(良八)	五四三
佛說緣起聖道經	一卷	唐玄奘譯	(良八)	五四五
佛說稻稈經	一卷	東晉失譯師名	(良八)	五四七

佛說了本生死經	一卷	吳支謙譯	(良九)		五五〇
佛說自誓三昧經	一卷	後漢安世高譯	(良九)		五五二
如來獨證自誓三昧經	一卷	西晉竺法護譯	(良九)		五五五
佛說轉有經	一卷	元魏佛陀扇多譯	(良十)		五五九
大方等修多羅王經	一卷	元魏菩提留支譯	(良十)		五六〇
佛說文殊師利巡行經	一卷	元魏菩提留支譯	(良十)		五六一
佛說文殊尸利行經	一卷	隋闍那崛多譯	(良十)		五六三
大乘造像功德經	二卷	唐提曇般若等譯	(知一)		五六七
佛說作佛形像經	一卷	後漢失譯師名	(知二)		五七七
佛說造立形像福報經	一卷	東晉失譯師名	(知二)		五七八
佛說灌佛經	一卷	西晉法炬譯	(知二)		五七九
佛說灌洗佛經	一卷	乞伏秦聖堅譯	(知二)		五八〇
佛說浴像功德經	一卷	唐寶思惟譯	(知二)		五八一
浴像功德經	一卷	唐義淨譯	(知二)		五八三
佛說校量數珠功德經	一卷	唐寶思惟譯	(知二)		五八四
曼殊室利咒藏中校量數珠功德經	一卷	唐義淨譯	(知二)		五八五
佛說龍施女經	一卷	吳支謙譯	(知三)		五八六
佛說龍施菩薩本起經	一卷	西晉竺法護譯	(知三)		五八七

佛說八吉祥神咒經	一卷	吳支謙譯	(知三)	五八九
佛說八陽神咒經	一卷	西晉竺法護譯	(知三)	五九〇
佛說八吉祥經	一卷	梁僧伽婆羅譯	(知三)	五九一
佛說八佛名號經	一卷	隋闍那崛多譯	(知三)	五九二
佛說孟蘭盆經	一卷	西晉竺法護譯	(知三)	五九四
佛說報恩奉盆經	一卷	東晉失譯師名	(知三)	五九五
佛說觀藥王藥上二菩薩經	一卷	劉宋良耶舍譯	(知四)	五九六
佛說大孔雀咒王經	三卷	唐義淨譯	(知五—七)	六〇四
佛母大孔雀明王經	三卷	唐不空譯	(知八—十)	六三一
佛說孔雀王咒經	二卷	梁僧伽婆羅譯	(過一—二)	六五七
佛說大孔雀王神咒經	一卷	東晉帛尸黎蜜多羅譯	(過三)	六七六
佛說大孔雀王雜神咒經	一卷	東晉帛尸黎蜜多羅譯	(過三)	六七八
大金色孔雀王咒經	一卷	姚秦鳩摩羅什譯	(過四)	六八二
佛說不空羅索咒經	一卷	隋闍那崛多等譯	(過四)	六八七
不空羅索心咒王經	三卷	唐寶思惟譯	(過五—六)	六九二
不空羅索陀羅尼經	二卷	唐李無諂譯	(過七—八)	七〇七
不空羅索咒心經	一卷	唐菩提流志譯	(過九)	七二五
不空羅索神咒心經	一卷	唐玄奘譯	(過十)	七三〇

不空羅索神變真言經 三十卷 唐菩提流志譯 (卷第一至卷第十四
必——改四) 七三六

佛說無所希望經^{一名象步經}

慕二

西晉三藏法師竺法護譯

聞如是一時佛遊王舍城靈鷲山與大比丘衆俱比丘五百菩薩六萬一切大聖神通已達逮得總持所成辯才而無罣礙宣經道常無^{第二}二言神足變化不可思議衆行備悉普無不入其名曰無損進意菩薩度音響雷震威菩薩夜月華菩薩大雨電言辭菩薩觀無底度境界菩薩起山頂菩薩欣樂令悅菩薩多離垢莫能當光菩薩決衆生性誼度菩薩得堅強如金剛菩薩於諸音響最妙菩薩越梵威聲菩薩稱自在可畏莫能犯菩薩積諸德本如壘寶菩薩文殊師利童真菩薩如是上首六萬開士於時賢者舍利弗在於獨處一心禪思從宴坐起往詣佛所彼時世尊坐於樹下逮寂隨響三昧正定時舍利弗住遠世尊遙見大聖威儀禮節寂然和雅尋即求草敷一面坐而結趺跏趺正其身而不傾倚適坐竟心自念言至未曾有如來至真威神光儀不可稱載安隱道本猶是之故羣生得

安所可逮致無上正慧咨嗟功勳皆了諸法靡不通達於時大聖靜然安和從三昧起聲歎發音時舍利弗聞佛世尊聲歎發音善心生焉得其本願前進佛所一心而住稽首歸命志懷踊躍尋歎此偈而讚頌曰

若有衆生不懷妄想未曾著念於諸經典遊步世間平等獨歡則能常忍於斯經法衆生無能見其瑕短斯等信解如幻自然選擇諸法了如虛空不見吾我爾乃大安其不思想一切衆生不念衆生若無衆生未曾逮得一切思想不見吾我乃爲大安從始已來不想合會不爲有想之所迷惑不令興立亦無所住不見壽命爾乃安隱若有明智不倚衆生則於法界而無闕諍棄捐一切衆人之想無若干念乃爲安隱其常建立於禁戒者能仁一切不懷慳嫉而住於法無有計數不見怯弱爾乃爲安若以忍辱安和起衆彼未曾有諍訟之貪不得精進亦不懈怠不想忍辱爾乃爲安諦住堅固一心禪思心無所念除其憤亂

曉了諸法而在等定其不想禪爾乃爲安若不明達亦無智慧亦復不從無智之教不懷了了亦無愚冥無智慧想爾乃爲安如處閑居聚落亦然於斯二事而修平等亦不惟惡是爲聚落不思閑居是乃爲安

假使行索具足分衛亦不念言吾身求食不自咨嗟我行乞食無分衛想是乃爲安其從久遠著弊壞衣受取執持於斯身形不自歎言我著麤服不憍慢人爾乃爲安諸佛所教安住勅示三品之衣不離其體不自想念我不違禮不自欣豫爾乃爲安其能班宣微妙之法不計吾我不著衆生不自譽言我爲講法不倚音聲爾乃爲安諸於德本不懷妄想不堅固想不念居業心中所懷不思清濁身不造行是乃爲安若以興起無興起想有所住立不想其處夙夜精進經行應節其無言辭是乃爲安設不思念住與不住常無妄想奇特之念如來外學不以殊別不懷勝想是乃爲安其不計數安隱之想等如虛空無所踰越

心不懷念吾我衆生不見殊特爾乃爲安若了幻化如夜所夢速得辯才志不忽忘遊於世間如水中月無有進退爾乃爲安若了善權明見真諦其言有身無一堅固則能覺了寂然之法不行妄想爾乃爲安於是世尊讚舍利弗曰善哉善哉所知深遠奉行慧義極究竟矣以法談言應道妙歸何其快乎今舍利弗諸所遊止者閻崛山周旋學者比丘菩薩普令會此啓受道教時舍利弗尋即白佛我不堪任請令集會所以者何諸大士等威勢過龍道智無盡非吾所及於時世尊從身放光明照於三千大千世界尋時佛界諸菩薩衆蒙此明曜如一念頃皆來集會於靈鷲山行詣佛所稽首足下繞佛三匝還住空中閑居比丘及諸菩薩來詣佛所稽首於地還坐一面王舍大城無數人民百千之衆行詣佛所稽首足下却坐一面於是世尊見無數衆皆來集會舉其尊顏瞻文殊面尋復即笑文殊師利即從座起偏出右肩右膝著地叉手問佛向者所笑爲何變應如

來至真未曾虛欣佛告文殊今靈鷲山有萬菩薩俱講經典經名喻象於往昔亦曾所論賢者阿難聞佛所說即從座起更整衣服長跪叉手稽首自歸善哉世尊慙傷衆生今致永安唯當班宣此喻象經斯法難值衆所希聞願欲時說一切諸部皆來雲集聽此經典必當速得深入光明幽奧玄妙所以者何如來至真尊無雙比三界無侶向者尊顏觀文殊師利面應時即笑此非虛妄會當有意佛言善哉善哉阿難汝乃觀察殊異德本所可識者慧不可限阿難諦聽善思念之當爲汝說向者笑意於是阿難與諸大衆受教而聽佛告阿難若有衆生信樂斯法舉動進止如象遊步信此法者彼等之類如大象遊步如龍步愛喜此法真諦義者爲師子步舉動進止尊無儔匹佛語阿難此經典要悅諸菩薩是經法教順菩薩衆應當諸受本宿功德現於目前我逝之後此經典者歸諸菩薩令手執持志靜意定所以歸空口誦心思是菩薩藏不歸薄德閑寒菩薩不歸懷毒諂僞若

薩之身也亦復不歸多願妄想菩薩之手也爾時世尊即顯瑞應感動文殊文殊師利應時知之即自念言我欲啓問如來至真深邃之法一切聲聞及與緣覺所不能逮諸菩薩衆履迹瑞應爲何等類文殊師利前白佛言唯然世尊今欲啓問如來至真平等正覺設見聽者乃敢自陳佛告文殊師利恣所欲問諸大衆會悉來集此并當蒙恩文殊師利即白佛言何謂菩薩而得建立諸功勳法普現一切諸菩薩行開化無數不可計會衆生之類現諸佛國如水中月佛言善哉善哉文殊師利向所問者粗舉其要如來當爲具足分別令致建立功勳之德諦聽諦聽善思念之文殊師利與諸大衆受教而聽佛告文殊師利若有菩薩當行六法爾乃能具足道義之教立於一切功勳之德何謂爲六若有菩薩奉行於度無極一切所有施而不倦無所貪惜具足順行不自見身建立禁戒不犯衆惡不見吾我而曉了義成就忍辱柔和安雅心不懷恨覩已解脫不在結滯殷勤精進身無

所行心無所懷分別一切一心正行志於解脫門曉了便宜定意正受心常永安不慕一意解暢智慧以為道業自觀其身不離五趣諸所生處皆令蒙度是為六法菩薩所行備悉此法具足一切功勳之德佛告文殊師利復有六法具足此事建立一切功勳之法何等為六一曰菩薩往詣地獄攝護拔濟燒炙之患使生天上其在畜生擾攘不安迷惑憤亂不識義理攝取其性顯以柔和微妙之法其在下賤庶民小姓則以開示轉輪聖王豪

貴之位皆以普現諸生五趣而等開度所生之處與眾超異明曉隨時入諸佛土而於法身無所動移無來無去而悉徧現諸佛國土演萬億音暢出言教各令得聞其心常定不偏不黨志性蕩蕩是以六法菩薩建立一切功勳文殊師利復問佛言何謂菩薩攝護地獄使生天上佛告文殊師利菩薩大士以大蓮華三昧正受將護地獄就往拔濟則令于彼一切得享天祚之安用以眾生被苦惱故顯示忉利最選之宮見此厄難因則患厭而

得度脫諸所受惱為地獄人而說經典令無央數百千之眾度地獄痛是為菩薩攝護地獄今得拔濟燒炙之患已常順法無所違失文殊師利復問佛言何謂菩薩攝護擾攘拔濟畜生迷憤之厄生於人間安樂之處佛告文殊師利菩薩大士有三昧定名曰寂滅以是三昧正受之時因能攝護在畜生者令心不亂志性和悅則得安隱生於人間守護三事為說經法令無央數眾生之類建立道法

是為菩薩攝護畜生迷憤之厄令生人間文殊師利復問佛言何謂菩薩生於下賤庶民小姓而得更受轉輪聖王安隱之德佛告文殊師利有三昧名入於清澄定意正受因其三昧越諸種衰使皆清淨雖生小姓則得更受轉輪聖王安隱之德是為菩薩生於下賤庶民小姓而受轉輪聖王安隱之德文殊師利又問何謂世尊菩薩普顯生諸五趣與眾超異佛告文殊師利有三昧名遣諸行照明殊特以此定意正是菩薩住斯定時普顯五趣導御眾生令得超異殊特之行皆發無上

正真道也文殊師利復問佛言何謂菩薩隨時方便普入一切諸佛國土於本法身不動移處不來不去普顯一切諸佛國土如月現水佛告文殊師利有三昧名咸入諸音菩薩以是定意正受立時能現已身在於十方東西南北四維上下不動移處不來不去住彼定意觀見十方諸佛世尊聞所說經是為菩薩不動移處隨時方便普顯一切諸佛國土如月現水不來不去菩薩如是所周旋化亦無往來文殊師利復白佛言何謂菩薩演萬

億音暢出言教各令得聞佛言文殊師利於是菩薩速得無量迴轉總持達知無限眾生志性隨其言語各暢辭聲分別無數諸響言教而解其意達其所趣速此總持演一切音普令得聞各各開解辭不錯謬是為菩薩演萬億音暢出言教各令得所於是文殊師利前白佛言唯然世尊諸菩薩等善權方便難及難及超絕無侶是經典要諸菩薩學常所啓受當以何業至信脫門佛告文殊師利菩薩欲學斯經典者則當信解虛空之門又問

世尊何謂虛空佛告文殊師利其虛空者則謂虛無無有塵汙無恙害心亦不忽忘一切諸法亦復如是無汙無害亦無忽忘猶如虛空不成布施不具持戒忍辱精進一心智慧永無所生如是文殊師利一切諸法不成施戒忍進寂慧猶如虛空以是之故無解無除一切諸法亦復如是無解無除猶如虛空有所行者無所造證一切諸法亦復如是則無所行亦無造證猶如虛空無有闇冥亦無明耀諸法如是無闇無明猶如虛空曠然無際

不可捉持諸法如是普無齊限不可捉持猶如虛空無有正路亦無邪徑諸法如是無路無徑亦無邪正猶如虛空不建立身離諸漏行不學聲聞不志緣覺不著諸佛無上大乘諸法如是不學聲聞緣覺大乘猶如虛空無有思想無所分別諸法如是無有妄想亦無分別猶如虛空無舉無下無進無怠諸法如是有無進無怠猶如虛空無應無不應無雙無不雙諸法如是有無應不應無雙不雙猶如虛空普照衆生無能塵汙令不淨者諸法如是

至於滅度永無塵汙以是之故不可滅除無能移去猶如虛空無所建立亦無所住不動不搖無處所故佛告文殊師利菩薩大士解諸衆生無有住處不當觀察見有處所逮致本際不動不搖無住無不住佛言如是文殊師利彼法自然其欲得見如來至真則爲邪見其邪見者求入正見入正見者是爲泥洹非大德果無大功勳其至泥洹非大德果無功勳已則世衆祐其世衆祐則於衆祐無所希望其於衆祐無希望已則能具足虛靜之

慧已具靜慧則能速成無所從生法忍時彼衆會六十比丘皆懷甚慢各心念言今者如來班宣冥路迷惑之訓諸外邪學悉有是辭何以爲行向者世尊復演此教亦如不蘭迦葉摩訶離瞿耶樓阿夷帝基耶今離披休迦旃先比盧持尼健子等悉說此言何緣如來亦演斯辭有何殊別云何則之所當遵修以何爲業爾時世尊知諸比丘六十人等懷甚慢者心之所念尋時即告文殊師利佛爲如來至真正覺班宣經典亦與外道異學俱同

等無差特又外異學不能分別如來說法義之所歸六十比丘適聞此言益懷憂感意不歡喜甚不欽樂講是經義即從座起無何而去文殊師利告諸比丘諸賢者等欲何所湊時諸比丘報文殊師利曰吾等不解是法所說爲何所歸時舍利弗告諸賢者等斯義善哉當以此事重白其意且待須臾我當啓問如來至真何故說此時諸比丘聞舍利弗宣如是教還復故坐時舍利弗則前問佛何故如來班宣此言令諸比丘皆懷猶豫唯願世

尊加哀垂恩爲決結網彼時世尊告舍利弗於意云何其有比丘漏盡意解無餘縛結聞此言教寧懷狐疑心怖懷乎答曰不也世尊以見諦者奉比丘行於一切音諸所言辭不恐不怖亦不懷懷何況比丘漏盡意解無餘縛結懷疑恐也佛告舍利弗或有愚人意塞沉冥於未曾有法而懷妄想逮虛空行時舍利弗復問佛言唯願大聖發遣斯教章句所趣令諸會者蠲除沉吟心中坦然佛告舍利弗其有夢中見如來者爲寧審見真人形乎

如來謂此夢中所觀則非真實不為堅要皆因思想計所思想審無有想無合會想無所有已則解如來無所分別想無審諦想不懷想想無合會想無所有則解一切眾生萬物皆為虛妄不見真實便能曉了諸法迷惑顛倒放逸以能曉了諸法迷惑是故如來具足宣暢迷惑邪見以能分別一切諸法皆為邪見則不復隨迷惑邪疑六十二見是為舍利弗若有欲觀如來至真則墮邪見是故舍利弗如來說此若有欲觀如來身者則墮邪見除見間想為觀如來乃無邪見時舍利弗復問佛言何謂世尊其邪見者今入正見佛告舍利弗一切愚戇凡夫之士諸所妄想念應不應所可發起立在處所則於此事而不信之無所建立精進懈怠無雙無雙起自見身我人壽命依倚計吾而貪著我曉了分別如此色像見聞念知喜樂所說悉無所有如是所有審無所有是為所生此無所生是為虛妄是真實言皆無所有其虛妄者則當知之為無儔匹無像之謂以無儔匹則成邪見佛

謂舍利弗其如是像見諸虛妄了不以惑是謂邪見則與外道邪見俱同以是之故舍利弗知其墮邪見緣致正見時舍利弗復問佛言何謂正見施與彼者其福不大功勳不遠佛告舍利弗假使有人如是像施彼眾祐則成無為親近無為其無為者無有少福無大功勳無小名稱亦不大稱所以者何其無為者皆離一切功德之報無有處所時舍利弗復問佛言如來至真云何講說無為而無處所本歎無為最為奇特功勳無限佛告舍利

弗愚駭凡夫眾行茂盛計有吾我及人壽命如來故為咨嗟無為功勳無量顯其處所欲令眾人斷終始患故歎殊特又舍利弗當察賢聖非賢非聖亦非眾祐當作斯觀成就賢聖離欲災結猶如農夫隨其所種各得其類及依穀苗或生荆棘草穢之瑕於舍利弗所志云何為是農夫所報實乎本種荆棘草穢瑕耶舍利弗答曰不也世尊佛言如是舍利弗設如農夫下種子田依倚於此誕生荆棘地之荒穢若變為苗如是舍利弗施於賢聖

欲立功德不能歡悅此非好種不成為果將無所獲若不建立無為之田則當知之生死果報是故舍利弗欲致平等無為則非大福非大功勳時舍利弗復問佛言唯然世尊何修無為非有大福非大功勳布施田等其福云何在世眾祐佛告舍利弗假使不懷小福之想無大福想是為種植眾祐之德以能種植眾祐之德明靡不曜不受果報是則天上世間諸類之大眾祐若舍利弗建此施者無盡德田不受其華不獲其實以是之故如此

施者非有大福非大功勳是世眾祐不受果報舍利弗復問佛言云何世尊為世眾祐入於眾祐無受果報乎佛言於舍利弗所志云何所施眾祐依於無為又計其法有報應乎舍利弗白佛無也世尊其以無為施於眾祐不受報應則無果證其無為者則無所求賢聖之士亦無所望時佛讚曰善哉善哉舍利弗誠如所云在世眾祐也假使有人施此眾祐則無希望報時舍利弗復問佛言云何世尊有所施者而無報應具足空慧佛告舍利

弗其能曉了一切諸法悉自然者彼義為實為是虛耶白世尊曰其能曉了諸法自然則能分別自然如幻其能曉了諸法如幻彼應虛無了虛無慧所以者何一切諸法自然如幻是佛所說其如幻者彼謂虛無虛無之慧是故世尊曉了諸法自然如幻所以者何計於法不有所成亦無所獲佛言善哉善哉舍利弗如汝所云假使有法實有處所有者念行真諦則不復知眾生滅度無為之義用一切法虛無無諦而無真實以是之故開化度脫如江沙等五趣眾生令得滅度眾生之類而無損減悉由眾生因虛無出也如是舍利弗以故眾生所想虛無其思想無所遠得是故名曰具虛無慧因此所學用施眾祐無報應果具虛無慧也時舍利弗復問佛言云何具足虛無之慧以是之故能疾遠成無所從生法忍佛言其於虛無而不造證是則名曰具虛無慧又舍利弗何謂虛無知身虛無我人壽命亦復虛無見於斷滅而計有常眾事牽連亦復虛無佛法聖眾無為之想療治

心意諸念思想心所遊逸皆悉虛無故舍利弗其能諮受如是像比當了斯慧以至解脫此舍利弗具虛無慧分別若斯則能疾遠無所從生法忍說是語時四萬菩薩等時皆逮無所從生法忍時六千人發大道意三萬六千天子值遇慧時當近道迹其六十比丘懷甚慢者漏盡意解至無趣餘異口同音而俱舉聲白佛言我等世尊從今已往奉六師教而因出家佛非我師不奉受法不歸聖眾從今已往悉無所作亦無報應不與罪疊亦無惡趣一切眾會聞說斯義無央數人悉懷驚愕不知云何各心念言斯等比丘將求迷惑遠佛違法捨於禁戒就外異學所以如是今演此辭時舍利弗知諸眾會心之所念即時告此諸比丘言仁等何故發於斯言吾等之身從今已往無佛世尊因從異學出為沙門時諸比丘報舍利弗吾從今始敬事六師一切所歸為一相耳不倚六入是以不見若干種師不想出家沙門也舍利弗復問何故諸賢復發此言從今日始不以佛為聖師諸比

丘報曰從今日始自在其地不在他鄉自歸於已不歸他人已為師主不用他師是以故往不以佛為聖師所以者何其佛正覺不離吾我其吾我者不離於佛時舍利弗又復更問諸比丘眾賢者等何故復言從今已往不啓受法不歸聖眾比丘答曰不得諸法所可歸念亦無合集故不歸法眾舍利弗復問諸比丘何故發言從今已往無所造業亦無所作諸比丘曰從今日始曉了諸法一切無作其無作者亦無非作以是之故從今已往無所造業舍利弗應時復問仁等何故向者說言從今已往無有果報諸比丘答曰用愚不解故趣生死纏綿終始吾等愚盡無緣無報以是之故從今已往無有果報時舍利弗復問之曰仁等何故復發此言從今已往無有殃疊諸比丘曰吾等曉了一切諸法皆寂滅度吾等解了一切諸法無法無報所以諸法無有果報因是之故而發斯言從今已往無有殃疊時舍利弗復問言曰諸人何故復發此言從今已往無有惡趣諸比丘曰吾等從

今曉了一切諸法所趣永無惡趣其無開化無不開化無律不律以是之故從今已往無有惡趣亦無不趣無律不律時諸比丘說如是比棄自太義時彼聞者三千六百比丘漏盡意解至無趣餘於是世尊讚諸比丘曰善哉善哉其於諸法無所得者乃為真得又問世尊何謂於法有所遠得佛告文殊所謂得者謂遠無所從生法忍文殊師利又問若有菩薩欲樂遠得無所從生法忍當云何學如何建立何謂奉行佛時欲解文殊師利學法

無上遊一切智諸通慧義常當遵習無所從生法忍佛爾時頌曰

欲慕學佛慧 一切慧中尊 不受於諸法 亦復無所捨 法者無所得 亦不起成就 諸法無所有 愚者欲今有 欲為除此言 故為眾說法 反志樂所生 不信無所起 若能棄魔事 佛道尊無上 著已生愚冥 故不了此義 以興若干種 愚者見各異 其生無若干 一切為一相 佛者世間慧 為凡夫說之 用計吾我故 不能奉修道

念言當久如 滅盡於貪姪 遠離瞋愚冥 今吾無塵勞 無有而想有 斷滅於滅度 開化貪欲恚 故說寂然空 演盡無所生 故歎於泥洹 方便讚滅盡 離佛法甚遠 想施奉禁戒 若希望樂道 是不修佛教

為慕學思想 愚者感虛妄 不解空無法 諸法一等相 反懷若干念 若曉了此法 諸法自然相 如人觀五指 得道然不難 道不離人遠 亦復不在近 精勤求妄想 以故離人遠 愚者行各異 展轉相求短

是人奉禁戒 此者凶犯惡 善施行正法 有為悉虛無 不復受神識 如幻無所見 無有奉戒相 亦復無犯惡 諸法因緣合 彼亦無吾我 若於億千劫 布施無等雙 將養上禁戒 導師不受決 若以去思想

無施無所望 棄捐諸希求 然後見授新 說布施得富 持戒生天上 其無所遠得 此乃無上道 愚者倚顛倒 妄想有所求 吾當致法忍 無起無為業 無所從生法 心不念所生 逮法忍不難 不更億千劫

假宣有法名 諸法所無作 無本無所作 想皆如虛空 無數億諸佛 班宣上妙法 今除姪恚癡 諸法亦無盡 諸法假使實 則當歸盡傷 以無所有故 是以不可得 姪怒癡無量 計之無涯底 設有無涯底

彼則無根本 所種無有芽 何因生華實 設不得業者 何緣當有華 無所從生法 則無有人種 眾生無眾生 不生亦不滅 猶如姪女人 彼則無有子 以無有子者 則無有子憂 明智觀如是 諸法無所生

彼便無恐懼 周旋生死苦 愚為虛偽惑 不解法如幻 受取虛空捨 愚昧聖善教 若分別此法 無量無邊際 無數不可限 爾乃不愚戢 如佛說本際 宣暢無涯底 當來際亦然 中際為一相 無際想有際 無底際虛無 吾已了此義 則解無二分 本際虛空想 人際不可議 其際譬如影 斯慧不可了 因以行妄想 由是退轉心 當盡斯羅網 何緣當成佛 正覺無所想 彼則無所成 諸法無所生 愚者欲令成